

OSALISTU TURVALISEMAN RUOTTIN EESTÄ!

Sinua tarttetaan! Ole matkassa auttamassa sosiaalidemokraattisheen vaalivoitohon niinku sie saatat. Puhuttele kaveria, kolekaa elikkä krannia elikkä tule meän matkhaan vaalikamppanjhaan. Ala jäseneksi Sosiaalidemokraathiin!



Seuraa meitä Fasepukissa Instagrammissa Ttwitterissä

Mie halvaan alkaa Sosiaalidemokraatitten jäseneksi

Mie halvaan saaja uutisia teiltä

Nimi

Telefoni Sähköposti

Osote

Postinumero ja paikka

Henkilönumero

Mene osotheesheen socialdemokraterna.se/bli-medlem elikkä täytä talongi, pane se kuerthiin ja lähätä se meile. Kirjota tämä osote niin sie et tarte friimerkkiä:

Socialdemokraterna
Svarspost
Kundnummer 110 651 700
110 03 Stockholm

Met tulema säästämhään sinun tiot. Lue lissää: socialdemokraterna.se/integritetspolicy

Meänkieli



Socialdemokraterna

Tämä teksti on uuestikirjotus helpomphaan ruottinkielheen orknaalikelestä. Jos oon nyansieroja vairsuunntten välissä se oon orknaalivairsuuni joka jälilaa.

**VOIMAKHAAMPI
YHTHISKUNTA.
TURVALISEMPI
RUOTTI.**

VALIKOITTE VOIMAKHAAMAN YHTHEISKUNNAN JA TURVALISEMAN RUOTTIN!


Mie tiän mitä turvalisuus saattaa merkitä ihmiselle. Minun kasvantista kasvattilapsena, niiltä työttömiltä joitako mie kohtasin minun aikana teolisuudessa, kaikilta niiltä vanheemilta joitako mie kohtaan tänäpäivänä pääministerinnä, niin mie tiän tämän: turvalisuus pittää aina olla siinä ette met saatama tuntea itteä onneliseksi ja vaphaaksi.

Nyt oon suuri voima ruottalaisessa ekonomiissa. Vuelta 2014 lähtien useampi ko 300 000 menevät töihin. Nuorisotyöttömyys oon mataliin mitä oon ollu 16 vuoteen. Met olema muuttanheet epäkestävän migrasuunipolitiikan ja tehneet niin ette osa jotka saavat elatuksensa yhtheiskunnan tuesta oon tänäpäivänä mataliin 1981 jälkhiin.

Sen voiman met halvaama käyttää ette totheuttaa suuriiman turvalisuusohjelman nykyajassa. Meän päämäärä oon voimakas yhtheiskunta. Jollako oon voimaa ette palkata useampia töihin kouhluun ja sahraanhoitohon ja huolehtia ette vanhuus ei merkitte köyhyyttä. Jollako oon voimaa ette taistella ilman kompromissia rikolisuutta vasthaan. Joka huolehtii ette kaikin jotka saattavat tehdä töitä kansa oon töissä. Joka oon olemassa siinä sulle ko sie tarttet tukea mutta kansa joka vaatii sulta jotaki. Jollako oon voimaa ette käsittelä segregasuunia perinpohjin, ette meän Ruotti pyssyy koossa.

Mutta valikoima oon sinun. Niitä oon semmosia jotka sen siihaan halvaavat nähä enämpi markkinaratkasuja koulussa ja sahraanhoijossa. Jokka halvaavat käyttö rahoja ette taas tehdä suuria verolaskemisia niile joilako oon jo enniiten, ja ette tavaliset ihmiset maksavat hinnan heijomalla hyvinvoinila.

Niin minun kehotus oon helppo. Ole matkassa tekemässä voimakhaaman yhtheiskunnan ja turvaliseaman Ruottin. Valikoitte Sosiaalidemokraatit 9 syyskuuta!



Stefan Löfven



SUURIIN TURVALISUUSOHJELMA NYKYAJASSA

TURVALISUUS VOIMAKHAAMAN HYVINVOININ KAUTTA

Met halvaama:

Palkata lissää henkilökuntaa hoitohon. Met meinaama palkata vähhiinhäns 14 000 useampia hoitohon ette helpottaa henkilökuntaa, lyhentää jonoja ja antaa kätevämmän hoijon.

Topata voittojaitia hyvinvoinissa. Met meinaama panna voittorajotuksen ja sääntöjä ette rahat hyvinvoinile menevät hyvinvointhiin. Met meinaama kansa kieltää uskonolisia vapakouluja.

Nostaa pansuunit. Net jotka oon olheet töissä koko elämän matalilla palkoila saavat korkeaman pansuunin ylheisen pansuunin lissäyksen kautta, ja met otama viimisen askelheen ette poistaa sen epäoikeuenmukhaisen pansunääriveron kokohnaans.

TURVALISUUS VOIMAOTON KAUTTA RIKOLISUUTTA VASTEN

Met halvaama:

Palkata useampia polisia. Met meinaama palkata 10 000 useampaa polishiin vuoteen 2024 mennessä, ette selvittää

useampia rikoksia ja saaja turvalisuutta kaautila ja torila.

Topata väkivaltaa vaimoja kohitti. Met meinaama taistella miehitten väkivaltaa vaimoja vasten, "kunnianliittyvää" väkivaltaa, prostitysuunia ja ihmiskauppaa vasten.

Eestää nuoria joutumasta rikolisuutheen. Met meinaama harrastaa politiikkaa joka hyökkää rikolisuuen pesäpaikkaa vasten vähentämällä rakoja ja taistelemalla vääryyttä vasthaan, varhaisitten toimitten kautta ja ette oon useampia teitä pois rikolisuudesta.

TURVALISUUTTA KÄTEVÄMÄN INTEGRASUUNIN KAUTTA

Met halvaama:

Huolehtia ette kaikin oon töissä, riippumatta sukupuolta elikkä lähtöä. Met taistemma hyvitten työehoitten ja hyvitten palkoitten eestä. Met meinaama suuritten koulutustoimitten kautta laittaa maholisuuksia niin ette kaikin saattavat tehdä töitä. Samala met tehämä sen päivänselväksi ette tie siiheen ette tulla osaksi Ruottista mennee oman elatuksen kautta.

Topata eristäviä voimia Met meinaama vastustaa kaiken laisia militanttia poliittisia ja uskonolisia ekstremismia.

Laittaa kielivelvolisuuen. Kaikin jotka ei saata tehdä töitä sen takia ette net ei ossaa ruottia pitävät oppia kielen.